

召太保鐵面將軍紫髮如雲機察鬼神皂袍
鐵甲怒目金精手持鐵棒役使吏兵鐵定畢
光黑顯方雄聞吾呼召速至壇庭鞠躬拷勸
誓化生民如違吾令上犯玄真急急如律令

召關帥呪

北帝靈書天蓬令行上運台斗下轉風輪黑
旗黑幟戈戟如雲六官吐霧黑氣昏昏天兵
速出鬼吏交橫魔王撲劍五嶽司迎嚙天動
地推倒山林河泉海濱沉黑無明有犯黑律
押送北陰速至速至聽吾令行有違吾令如
逆上清急急如律令

洞神召三帥呪

玉清有命速召萬神上通九霄下徹幽冥雷
霆威震八方火輪玉清五雷玄冥通靈二大
元帥八大天丁五雷神將東捉西尋雲氣森
森太一降臨五雷使者雷電轟轟直符神將
柳鬼驅精雷霆一動念念思真收魔捉崇不
得留傳上帝敕命火急降臨急急如律令

召役天醫呪

北方黑帝君南方風雷神叫喊連天地八卦

自通靈蕩蕩周天暗無邊捉鬼神旗印歸火
府神霄玉樞城治病能遣禍消災解厄速如
違押北府有令斬邪神運光飛電火神印起
雷鳴掌印兵千萬助神隨令行急急如律令
太上三洞神呪卷之十一

正一天師清微弟子 洪百堅 製作
道教學術資訊網站

太上三洞神呪卷之十二

列十三

關度斬穰登齋諸呪

五方衛靈咒

九炁青天明星大神煥照東鄉洞映九門轉
燭陽光掃穢除氛開明童子號曰玄卿備衛
我軒上對帝君收魔束妖討捕兇群奉承正
道亦書玉文九天符命攝龍驛傳普天安鎮
我得飛仙

三炁丹天煥景流光熒星轉燭洞照太陽上
有赤精合契虛皇關明童子號曰華芳總御
火兵備守玉堂斬邪束妖剪截魔王北帝所
承風火衝當流鈴交換翊衛壇場正炁流行
敢有巴狂我事上功坐運魁罡億劫長存保
天无疆

七炁素天太白流精光耀金門洞朗大冥中
有素皇號曰帝靈保神安鎮衛我身形斷絕
邪源王道正明官殿整肅三景齊并道合自
然飛升紫庭靈寶符命普衛萬生元皇正命
來合我身功加一切天地咸寧

五炁玄天元始徘徊辰星轉燭洞煥太微黑

靈尊神號曰層威統冠飛天仙裾羽衣備守
五門檢精捕非敢有干試謠落斬推玉符所
告神真八威邪門閉塞正道流輝三光映照
我身无衰策空駕浮舉形仙飛

黃炁中央調理乾坤陶鑄陰陽總統玄真鎮
星吐輝流耀九星開明童子號曰天璘陽炁
鍊上朱煥炎精洞照內外運我身形百邪推
落攝役鬼靈中山神呪晉天使聞五靈安鎮
身飛上清

三日九朝衛靈呪

○金具綠霞煥映三天飛雲丹霄諸天控轄晨
輝啓旦陰翳俱捐九微震空五星回旋萬仙
應感自然妙玄杳冥散景分形億千蒙昧光
耀瑞降壇乾生死蒙惠灌煉金泉魔王恐懼
合景三四

誦歌空洞帝君守壇五帝較錄受符三官備
衛四門東魔去奸流鈴擲火除穢焚殘身佩
金書鍊液芝顏玄虛素合心動三關騎龍跨
鶴控鳳來鸞萬星守舍千魔不干道炁長存
萬仙悉安

神光朗耀瑞炁而旋箕斗澄輝芝宇晏然玉
眸金真寶殿純乾變夜作晝回子午前太華
流彩丹鳳飛圓息魔滅好高步輝煙天真善
集齊到帝前

五星虛映煥景神庭包羅元象合炁群靈潛
形杳默周遊五經揚威耀日役使甲丁却妖
除禍滌穢消氛萬魔恐怖龍虎飛奔紫雲交
覆萬炁齊并

黃中策炁斬馘效宗遏絕邪源制斷魔蹤太
上符命召制神公萬靈斯格却禍除炁正炁
三輪洞運真風紫戶合瓊大燄无終左命青
腰右攝芝童道運乘馳總御九空玄壇應機
聚炁虛冲萬真普降濟度无窮

○金真空降神虎檢管玉帝披霞諸天命靈九
晨回駕萬魔束形九微逆煙神威攝精流金
擲火百惡消并神輝耀夜洞杳長春聖道蕩
蕩十方爾清保制劫運元亨利貞
天書敷羅下盼太微元化生成靈煙九回八
景六周聖運所持左賓赤方右啓帝扉東華
雨府灌鍊辟非回輪日耀轉盼月輝今日大

慶萬道同歸玄壇正炁保天无衰普告三界
驛龍風馳

元始虛皇集炁居中三境洞杳肇生宮慶七
轉九虛混合同風變化萬神天地開通吉日
行道萬魔敬從晨輝朗照默運元功執節建

度散花太空十方普慶劫運无終
玄陰七靈九炁合形魂精魄奕二景回輪飛
光赫奕煥耀長春日月吐輝回合華英大梵
流布奔飛火鈴魔王受事朝謁帝京含靈普
濟廣惠幽冥玉文敷告萬炁騰升

一日三朝衛靈呪

青陽虛映耀日回靈神虎辟邪飛天流鈴推
好滅試萬魔束形九微回道八威攝精千真
校錄三元蕩清左嘯中黃右策六丁七轉八
合同旋天經聖化巍巍三道順行慶雲流布
合景黃庭

丹靈朱火交霞激風赤輪剛運天光八街透
威包羅交變萬方流金豁落群魔滅蹤辟奸
破妖明耀元功金符召制躡雲策龍誦歌慶
會散花太空神化冥運四極安隆伏御帝前

罔有不恭

五星高耀瑞杰飛浮元始集神天地交周玉符寶節嘯命微幽擲火揚威奸兇无留萬魔振伏紛葩却消推怪伐惡道悉周流神光照夜陰翳俱收萬神降格爾景乘颺群生成遂

息徧神州

五方衛靈總呪

五靈列位煥鎮五方始呈護現丹老衛形皓靈侍魄黑帝攝生中央黃帝統御萬真元皇誥下幽夜閉光罪消北府名列南昌金錄定籍玉宇除殃宋陵鍊質飛神太蒼三官九府无極神鄉普受開度上生天堂

五星都呪

五星列照煥明五方水星却災木德致昌安感消禍太白辟兵鎮星四據家國利亨刊名玉簡錄字帝房乘馳散景飛騰太空出入冥无遊宴十方五雲浮蓋招神攝風役使萬靈上衛仙翁

璇璣齋衛靈呪

辰精朗耀紫煙御空星壇煥映變化雲官日

魂月魄離坎翼中金真嘯命神虎辟鄰吉日行事八威鼓從玉華羅敷徘徊飛虹天光下盼道悉豐隆含靈普濟流慶无窮

開度安真文呪

元始敷下五老監盟濟度群品瞬息无停今日大慶欣喜蒙恩諸天權悅安鎮五方

開度起真文呪

无上至真大聖高尊布化運杰三十二天八會九光自然成文安鎮地土保制劫年元始符命普告三元下勅九地上闢諸天中告海岳名山大川今日上告萬神咸開弟子某甲修齋行道披度亡魂三官九府削滅惡根永度三途五苦之根世受福記名丹篇神生天堂鍊化自然生死開度億萬長年九天告命風火驛傳

閉惡安神呪

天靈九官太乙守房百神森森魂魄安康長生久視日月同昌

析穰起真文呪

元始上天三光高明回景照耀四杰朗清運

度所衝激揚流星五界錯越三統失寧五斗總辰七宿明靈真君大魁厥諱玉精夫人皇妃子曰育嬰總御玄關回轉諸兵今日客災玄告不負請以真文赤書上呈散髮訟愆披露丹誠惟垂玄鑒回復天經悉不橫越災不橫生焚燒靈文散煙玉京上景監度普告萬靈悉消三關災滅九冥陰陽調和國土太平謹以金龍風馳驛程

禁壇敕水諸呪

蒼靈耀景電激霆奔飛空巨斧變化天關千妖萬邪捕戮无獨乾開坤肅清蕩三元朱火流煥炎煙散精蒼舌綠齒威推巨靈丹旌命魔東鉞前征敢有過逆塵飛戮刑金門肅殺太白流威神兵萬眾討奸捕非巨獸重吻黃旗散魔雲營圍繞羅布天機北管豁落雙皇羽林玄戈蒼甲飛鈴流金剪馘鬼奸正道无侵魔威披散揚矛掃除五靈玄老告命千真周行刺奸屠割无親六目四臂返甲逆鱗九土社稷疾閉魔氛夫祝烈火左嘯飛龍明檢尾營嚴攝北鄰群

魔束形誅滅无蹤皇道蕩蕩罔敢不恭
大帝玉敕飛鯨鼓鈺紛紜隊仗羅帟天兵妖
氛顯戮摧破魔城天光散彩六合利貞
玄冥陰域群光吐威巨天力士金鉞前驅趣
較北帝嚴攝推誅故炁幽閉呈化魏巍

洞耀育元精青華開大明布育九天炁始生
荐无英扶陽道攝御丹林合總真積霄始暉
上鬱壘明霞晨靈光煥羅絡衛育保形魂混
化合玄景仁惠消魔群萬過道已超功當書
上清

三炁竊靈闢明虛煥玉丹朱陵有帝真華雲
飛絳軒統御萬界中撫運超大千執策按簡
籙洞章敷神篇解結散禍根流金推兇奸志
能成此道魔試俱无前保度冥劫津宴盼无
窮年

西靈回七度太眇鬱明華白元惟我神皇真
御景霞皎皎三素暉昭昭破百邪攝音延正
炁金精育三田鍊結固玉質寶耀映瓊軒魔
精富滅試遠地无沈連逸響高情館齊輪太
上仙

北玄三秀藹太上居紫皇總攝幽微造化
敷靈網下統虛危精寶育天元房靈通大妙
神纏羅衛百關豁落滅魔試凶災永不干大
道保自然壽命无傾殘萬劫享慶會白日登
雲軒

混化歸冲妙元皇總帝靈真老閉黃闕四御
齊玄鈞圓華太張上同携望玉君結津固百
散瓊耀擁胎仙晨暉注明星魔應自滅形萬
道保无虧返老回童嬰五會合一炁飛馭超
雲京

東方碧霞林耀園煥晨華流香凝三素中有
神王家丹鈴揚八威揮節微萬魔下觀无極
鄉飛龍控綠羅掃兇討奸逆天一權金戈肅
清霄衛廓六虛收雲波

南方丹鳳城三炁騰朱煙神王御輪虬瓊節
黃金鞭天兵遊太空變化億萬千群魔散雲
營流鈴威无前法鼓趣丁甲奮迅推兇奸振
凱赤明界炎洲朝萬仙
西方藥珠闕素皇流精輝離羅吐長庚紫煙
胤瑤纖神王部金龍萬騎縱橫馳玉節召靈

魔朱矛滅遊尸掃蕩氛能毒萬精駭且悲雲
霄映空碧剛風激清夷

北方廣寒宮黑靈流玄雲金童揚華幡玉鈴
鳴清鈞天鋒森朱闕神光冠華晨翠節召遊
奕捕戮效魔群飛行駕龍御束形无踈親權

樂謠歌騰威行耀金真
東北始青界蒼精振靈風下洞鬼門開幽氣
飛煙叢神王持金麾遊觀控玉龍魔城摧堞
雉受命攝北郵天丁萬萬群擲火流八衝妖
滅精靈仗祥景飛霄空

東南始丹天梵炁羅玉虛巽戶開地輪萬陰
流歸墟玉帝敕神王控篤朱龍車召制素秉
兵揚鉞甫前驅流金禦大魔奸奏羅群誅大
千俱清淨三元拱赤書

西南始素境人門映玉洲東井浴瓊華月庭
流光幽神王御華城太霄明霞浮仗攝巡八
遐魔精兇威收鳴金討妖逆種族无遺留露
落九天振玉簡旌勳優
西北始玄域閭闔凌天闕下接崑崙丘五城
弱水環俯觀六合遙紅埃散黃雲龍軒御神

王練鉞來朱幡周遊張天羅擒戮兇妖奸風
火无逃形乾坤萬杰繁

上方虛无界官闕結雲霞清微崇天中通明
映鬱羅神虎耀九元羽林鳴金牙太一領藩
衛促徵神王車摧魔飛流鈴秉節戮奸邪縱

觀浩杰澄五德流香華

下方壘澤鄉金剛轉天經坤輿駕乾象銀潢
派滄瀛變龍翼神王火鈴飛奕精征伐萬鬼
淵救攝威南兵摧落兇邪源掃蕩千魔城仙
君稽首禮國土世安寧

九天有命上告玉清促召千真俱會帝庭太
一下觀雙皇翼形監察禦邪理烝攝生清帝
之道部整天兵若有不祥干試神明七神秉
鉞天鋒右征揮劍前驅煥擲火鈴左命甲騎
右領天丁風火齊戰伐邪絞精上威六天下
攝魔靈既威既攝萬光滅形神威電掃奸妖
无生仙皇建節有命敢停拒節違命是誅是
刑各警各慎保茲黃寧九天有命萬神敬聽
元精混沌青炁散分神童十二保鎮肝理二
七四五變化雲營九竈九社老木不淳神虎

吐毒劍殺火焚禍滅青煙光景妖氛識不馳
妄安保帝君

赤明開圖炎帝扇魔三童一姓煥散浮飄司
明得失萬帝宗朝朱鳳吐火金石化消流鈴
飛電剪馘毒妖束縛九醜反覆火燒肅清皇

祚道德道選

金精一啓太白七分帝君靈符流鍊素雲召
龍僊水殺滅赫煙長牙巨獸討捕兇群元皇
正炁來合我身延年度世飛神升真理靈安
鎮我得自然

元光豁落五炁流行變闢上帝萬神化生安
鎮守智噉食棄精蒼龍吐雷摧破邪兵晶明
振劍飛奔火星三天力士伏滅萬精保安家
國道紀昇平
混沌元一黃象紛馳威福黃老變化嬰兒養
育九炁胎生兩儀日月上奔星辰下垂風火
爭擊刀劍亂施六天九醜膽破心離太上符
命何敢不隨有生安樂入道无為
景中真玉威振九天手捧三素足踏九玄金
虎居西飛龍繞乾黃神秉鉞經嵩揚鞭瓊衡

五斗平調七元三天力士殺鬼萬千靈壇清
淨斤絕魔煙社稷里域土地靈仙門丞尸尉
司命職聯恢揚皇化翊扶威權肅守隅界玄
澤昭宣伏尸故炁清蕩无孺左提神鋒右汲
淵泉八方飛灑萬精疏奔齋功允備懋績廣
天

東方威神蕩穢江昌綠衣仗劍清肅壇場百
邪摧落木厭飛揚斷除故炁流惠无疆
南方威神掃穢王唐紫衣仗劍鎮守離疆辟
斥大厭清淨靈場遊精速伏敢干天常
西方威神風散陳常赤衣仗劍檢制玄黃妖
奸絕滅金厭潛藏敢有不順收入魁罡
北方威神赫奕鍾房白衣仗劍丁甲衛房魔
氛水厭帝命摧傷遠去萬里廓清神鄉
東北威神浩極章龍白衣仗劍掃滅邪宗天
威所指百厭无蹤六合澄泰丕贊神功
東南威神烈焰素源碧衣仗劍揮滅魔殃土
精厭魁攝送魁罡靈壇肅淨洞煥天光
西南威神解穢錢良黑衣仗劍驅戮妖祥五
土滅厭永斷不祥天地清寧萬梵開張

西北威神肅靜方洋白衣仗劍手握天章伏尸厭靈遠避壇場不得留停天憲推傷

鬱鶴蒼精洞景開明始陽九炁華停育魂流英妙府靈真上神瓊碧雲冠飛光羽裙青腰玉女太上真人保度仙籙消魔却氛

昌陽真老赤靈尊神統制丹天檢束魔群嚴駕朱鳳三角之麟上道太清玄元之根炭燂三炁盤迴絳雲育養丹府保劫長存

七靈皓炁三素元真中有皇老制攝魔精庚辛官將七千萬兵羽旗龍節金虎雲奔斷除妄怪鍊育華英與道長存歷劫元傾

北陰鬱單玄炁之宮帝真靈會驅神駕龍室有玉女夜光之童掌握圖籙攝制魔蹤虛危合化紫煙激風寶晶鍊育後天无終

元皇上靈冲妙之尊混合真樸造化元根感激幽微挺生大神攝召萬炁齊會華房消蕩百魔與道俱昌保度却災滅試除殃

淨觀都離寒庭呪
寒庭多悲苦回心禮元皇女青靈寶符中山天帝書一念升太清再念觀太无功歸九幽

迴旋旋登紫虛

沐浴亡魂呪

巍巍道德尊功行已圓齊降身來接引師寶目相携慈悲灑法水以用洗沈迷永度三清岸長辭五濁泥

變衣呪

九曜扶表真炁變衣四時合衛五緯交輝炁分羅綺綠集宣威六合扶掖三炁玄微至真煥爛仙女齊飛雲章冠帶嚴潔天機國華素明元始慈悲

甘露法食呪

冷冷甘露滋法味難思議齋香流七真冥冥何生疑受此法食者生天登紫微遊宴大上京光耀无邊際

三光化食呪

治精生法炁氤氳凝天中兩耀共澄徹五緯相交通三光煥已明寶炁凝三宮帝鄉會九老咽服百骸豐金華照光景身與日月同念道上聖前萬劫壽無窮

普濟法食呪

自然天厨食吾今與加持一粒徧十方河沙共沈迷飢渴永消滅食之宴瑤池今將獻亡靈功德不思議

玉陽鍊化法食呪

玉陽正真炁妙道三景分玄和唱靈音八會敷瓊文五老宴丹臺飄飄乘景雲大聖諸天衆回駕飲玉津三五定生籍遊戲太上賓華光朗无際携手朝玉晨

雲華鍊化法食呪

引炁鬱羅外九芒結雲華七最高上道三炁耀朱霞捧香服晨精功滿解世羅鍊化塵劫盡億劫不為多落籍三界庭結友太上家御景拱玄斗八極何足賒

導仙鍊化法食呪

自然至真道妙極玄中玄萬天朝玉陛五老參華軒三光有靈炁所度惟聖賢勤行道仙業咽滋吞華根神形合三象渺渺歸故根鳳鳥翔十天飛舉不顧還

寶炁鍊化法食呪

迢迢三天上落落九玄臺金童捧芝集玉女

持花回天賓揖仙容俯仰升玉階天河灌東井寶炁凝空來咽納漱瓊津兆劫不復衰矯首三清路振衣何樂哉

定光鍊化法食呪

至天上真道妙哉靈寶章吸景導五星咽漱存華芒流精灌百體皓晶凝雪霜洞達照內外塵滓都消亡體肌不復老契此名定光永宴大明館斯為不夜鄉攝跡歸本根九轉凝真帝

回慶出生呪

勤修大道法精心感太冥黃華真炁降五臟結胎墮土者生天堂飛升朝上清福惠无不徧此食施衆生

救救苦符呪

元始上聖玉帝高靈玉文告命濟死度生金靈妙戒拯拔幽冥白簡寶文九真玄經解除罪欲寬債和平救苦真人削除罪刑察命童子註上生名護戒威神引詣福庭超離五苦乘駕雲輶轉輪得道飛升上清

救長生符呪

太上高明元始監真五老上帝赤書玉文拔贖一切宿對罪根皆蒙解脫拷掠俱停魂升九天魄度朱陵今日上告萬神咸聽龍負白簡開盟真靈一如所願風火无停

救金書寶誥呪

三天大羅高上玉清元始靈書太上真文玄元大道赦降玉宸大洞天真主領神魂九幽主者六洞真靈稟受真符拔度幽魂天王律令降下速行

救破地獄真符呪

至聖神人至誠真人元皇之裔太上之孫億曾萬祖苦奕幽魂天尊大法十轉回靈赤書成章告下泉高玉文一下摧毀鐵城符光洞煥赫赫重陰刀化玉樹劍變齋林炎火生蓮冰消雪高三途五苦八難超凌魔王陰官稽首送迎上清有命一如奉行

救寶錄破獄真符呪

九泉寒夜期劫輪塗幽陰夜壑忽觀光輝照破九壘金剛折摧風雷消散火翳成池冥冷温和普掠无施火車息焰鑊湯罷炊銅柱摧

毀屠割停推元始有救符到速追魂離解都魄出鐵圍有罪无罪急故无違三界侍衛萬神敬依

救青宮九龍符呪

東華東極九炁青宮大帝敕命九老仙童九龍使者乘駕九龍五方主者普鍊死魂九天九炁三寶丈人生炁隨符開度幽冥上帝慧光曲湛寒庭重泉主者拔度奉行无違无拒監真度生有功有濟列言上清元皇告命萬神敬聽罪隨曲赦善功死魂承茲符命超度朱陵

救蕩滌血湖符呪

青玄上帝救苦慈尊擬神空洞開化玄門三才肇備人受苦輪滓結衆集業隨本根魂沉長夜魄滯幽冥玉音告下无幽不開寒庭九夜成沐天恩囚魂繫魄善惡均分幽冥開泰生死蒙恩一如帝令風火驛傳

救金龍菱龍符呪

元皇符命普濟幽塗靈寶內篆度脫血湖神清保護徑上南都

元始符命普告靈都驛龍傳遜徧徹幽途窮
魂受鍊徑朝虛无今日遣汝一如帝符

救慧光符呪

赤明開圖運度自然開明三景億劫之先今
日大慶沉魂受鍊重昏幽暗永閉寒泉欲請
慧光照破冥關寒水溫和爐炭息炎刀山劍
樹永斷攀緣回光十極照耀諸天魂消五累
業除勾連三晨洞輝永劫原原開明童子承
恩上元三光玉女請如所言

救二簡呪

玉誕長系栢空度仙丹華耀日度魂升天杰
映白簡金光自然永劫長存安鎮華考亡魂
開泰長保劫年

誦經密呪

貪羅營羅符元蘇陀太冲太極陰陽抱和出
有人无鬼神莫測出生入死變化自然元始
混炁玄中之玄上于有頂下洞太淵誦之一
徧沈痾自痊鍊魂育魄真陽自全齋戒禮誦
萬過飛仙无上密呪萬神綿綿心中心呪重
復宣傳貪羅洞盟與道合真玉清上極梵炁

氤氳分靈布炁降注臣身形神俱妙變化飛
昇一如令格統攝萬靈急急如律令

太上三洞神呪卷之十二

正一天師清微弟子 洪百堅 製作
道教學術資訊網站

三洞神符記

張一
說三元八會六書之法

道門大論曰一者陰陽初分有三元五德八
會之氣以成飛天之書後撰為八龍雲篆明
光之章陸先生解三才謂之三元三元既立
五行成具以五行為五位三五和合謂之八
會為衆書之文又有八龍雲篆明光之章自
然飛玄之氣結空成文字方一文肇於諸天
之內生立一切也按真誥紫微夫人說三元
八會之書建文章之祖八龍雲篆是根宗所
起有書之始也又云八會是三才五行形在
既判之後亦書云靈寶赤書五篇真文出於
元始之先即此而論三元應非三才五德應
非五行也此正應是三寶丈人之三氣三氣
自非五德耳故九天生神章云天地萬化自
非三元所有九氣所導莫能生也又曰三氣
為天地之尊九氣為萬物之根故知此三元
在天地未開三才未生之前也宋法師解八
會祇是三氣五德三元者一曰混洞太無元
高上玉皇之氣二曰赤混太無元無上玉清